



REPUBLIKA E SHQIPËRISË
KOMISIONI QENDROR I ZGJEDHJEVE

KOMISIONERI SHTETËROR I ZGJEDHJEVE

Data: 15 Mars 2022

Nr: 137

VENDIM

PËR

DEKLARIMIN TË PËRFUNDUAR DHE PA VENDIM PËRFUNDIMTAR TË PROCEDURËS ADMINISTRATIVE TË SHQYRTIMIT TË REZULTATIT TË VERIFIKIMIT TË PROKURORIT TË PËRGJITHSHËM PËR SUBJEKTIN VETËDEKLARUES Z. ELTON XHAFER ISMAILI, KANDIDAT PËR DEPUTET I PROPOZUAR NGA PARTIA LËVIZJA SOCIALISTE PER INTEGRIM, QARKU GJIROKASTËR, NË ZBATIM TË LIGJIT NR. 138/2015 “PËR GARANTIMIN E INTEGRITETIT TË PERSONAVE QË ZGJIDHEN, EMËROHEN OSE USHTROJNË FUNKSIONE PUBLIKE”

Sot më datë 15.03.2022, unë Komisioneri Shtetëror i Zgjedhjeve, në seancë publike shqyrtova çështjen me:

Objekt: Shqyrtimi i rezultatit të verifikimit të Prokurorit të Përgjithshëm për subjektin vetëdeklarues z. Elton Xhafer Ismaili, kandidat për deputet i propozuar nga Partia Lëvizja Socialiste për Integrim, qarku Gjirokastër, në zbatim të ligjit nr. 138/2015 “Për garantimin e integritetit të personave që zgjidhen, emërohen ose ushtrojnë funksione publike”.

Palë të interesuara: Z. Elton Xhafer Ismaili, kandidat për deputet i listës shumëmemërore të propozuar nga Partia Lëvizja Socialiste për Integrim, qarku Gjirokastër, për zgjedhjet për Kuvendin e Shqipërisë të datës 25 Prill 2021.

Baza ligjore: Nenet 19, pikat 1, shkronja “n” e 2 të ligjit nr. 10019, datë 29.12.2008, “Kodi Zgjedhor i Republikës së Shqipërisë”, të ndryshuar, nenet 90 dhe 95 të ligjit nr. 44/2015, “Kodi i Procedurave Administrative”, ligji nr.



138/2015, “Për garantimin e integritetit të personave që zgjidhen, emërohen ose ushtrojnë funksione publike”, pikat 12 dhe 13 të Kreut V, të vendimit nr. 17/2016, të Kuvendit, “Për përcaktimin e rregullave të detajuara mbi zbatimin e ndalimeve të parashikuara në ligjin nr. 138/2015, “Për garantimin e integritetit të personave që zgjidhen, emërohen ose ushtrojnë funksione publike”,

Në përfundim të shqyrtimit administrativ,

VËREJ:

I.

Në zbatim të ligjit nr. 138/2015, “Për garantimin e integritetit të personave që zgjidhen, emërohen ose ushtrojnë funksione publike” Komisioni Qendror i Zgjedhjeve është organi kompetent për administrimin, verifikimin, zbatimin e ndalimeve për zgjedhjen dhe emërimin për funksionet publike si dhe përpunimin për formularin e vetëdeklarimit për disa subjekte ndër të cilat është edhe “Kandidati për deputet”.

Në zbatim të këtyre dispozitave, z. Elton Xhafer Ismaili, kandidat për deputet i listës shumëmemërore të propozuar nga Partia Lëvizja Socialiste për Integrim, qarku Gjirokastrë, në zgjedhjet për Kuvend të datës 25 Prill 2021, ka depozituar në Komisionin Qendror të Zgjedhjeve formularin e vetëdeklarimit me numër unik 347.

Përpara miratimit të listave të kandidatëve për deputetë për subjektin zgjedhor Partia Lëvizja Socialiste për Integrim, në bazë të kompetencave të veta, KQZ bëri verifikimin prima facie pasi konstatoi se kandidati nuk është në kushtet e ndalimit, ndërmori hapat e mëposhtme:

- a. Komisioni Qendror i Zgjedhjeve, me shkresën nr. 1823 prot., datë 09.03.2021, ka kërkuar informacion nga zyra e gjendjes gjyqësore, pranë Drejtorisë së Përgjithshme të Burgjeve, e cila nga ana e saj me shkresën nr. 2526/1 prot., datë 11.03.2021, informon Komisionin Qendror të Zgjedhjeve se kandidati për deputet, z. Elton Xhafer Ismaili, nuk ka të regjistruar dënime penale të formës së prerë në sistem, pra nuk është i dënuar.
- b. Komisioni Qendror i Zgjedhjeve, me shkresën nr. 1825 prot., datë 09.03.2021, ka kërkuar informacion pranë Drejtorisë së Përgjithshme të Gjendjes Civile, e cila nga ana e saj me shkresën nr. 986/1 prot., datë 08.04.2021, informon Komisionin Qendror të



Zgjedhjeve, se kandidati për deputet z. Elton Xhafer Ismaili, nuk rezulton të ketë ndryshime në përbërësit e gjendjes civile.

- c. Komisioneri Shtetëror i Zgjedhjeve me vendimin nr. 147 datë 16.03.2021, vendosi “Miratimin e listave shumëmemërore të Partisë Lëvizja Socialiste për Integrim për zgjedhjet për Kuvend të datës 25 Prill 2021”.

II.

Komisioni Qendror i Zgjedhjeve, në zbatim të ligjit nr. 138/2015 “Për garantimin e integritetit të personave që zgjidhen, emërohen ose ushtrojnë funksione publike”, verifikoi të dhënat në formularin e vetëdeklarimit të kandidatit për deputet z. Elton Xhafer Ismaili.

Nga verifikimi i të dhënave në formularin e vetëdeklarimit të z. Elton Xhafer Ismaili, rezulton se ka deklaruar:

Në rubrikën III. “TË DHËNA MBI GJENDJEN GJYQËSORE TË PERSONIT”, të Formularit të Vetëdeklarimit,

Pyetjes 7, “A është marrë ndonjëherë për ju masa e dëbimit nga një shtet i huaj?”, subjekti vetëdeklarues është përgjigjur “Po” duke deklaruar se:

-Është dëbuar nga Janina, Greqi, për arsye të mungesës së dokumentacionit, në tetor 2001, por nuk disponon dokumentacion.

-Është dëbuar nga Athina, Greqi, për arsye të mungesës së dokumentacionit, në mars 2002, i cili deklaron se në dijeninë e tij është dënuar me gjobë dhe është dëbuar për një periudhë 5 (pesë) vjeçare nga shteti Grek për mungesë dokumentacioni.

Pyetjes 8, “A keni jetuar ndonjëherë jashtë territorit të Republikës së Shqipërisë për më shumë se 1 muaj?”, subjekti vetëdeklarues është përgjigjur “Po” duke deklaruar se:

Në periudhën shkurt-mars të vitit 2002, ka qëndruar në Kalithea, Athinë, Greqi, për arsye emigracioni.

Duke analizuar përgjigjen e Drejtorisë së Përgjithshme të Burgjeve dhe deklarimet e vetë subjektit në formular, sipas të cilave ai pohon se ka qenë i dëbuar nga autoritetet e Janinës në Greqi, bazuar në nenin 8, pika 1, të ligjit nr. 138/2015 “Për garantimin e Integritetit të personave që zgjidhen, emërohen ose ushtrojnë funksione publike”, dhe në Kreun V, pika 2, shkronja “c”, të vendimit nr. 17/2016, të Kuvendit, “Për përcaktimin e rregullave të detajuara mbi zbatimin e ndalimeve të parashikuara në



ligjin nr. 138/2015, Komisioni Qendror i Zgjedhjeve me shkresën nr. 2543 prot., datë 23.03.2021, vendosi t'ia kalojë rastin për verifikim të thelluar Prokurorisë së Përgjithshme, si institucioni kompetent që kryen verifikimin e plotë të deklarimeve të bëra.

Me shkresën nr. 528/55 prot., datë 24.02.2022, të administruar nga KQZ-ja me nr. 1194 prot., datë 24.02.2022, Drejtoria e Koordinimit Institucional, Sektori i Dekriminalizimit pranë Prokurorisë së Përgjithshme, ka dërguar në Komisionin Qendror të Zgjedhjeve, vendimin “Për miratimin e rezultatit të verifikimit për subjektin z. Elton Xhafer Ismaili”.

Prokuroria e Përgjithshme, pas kryerjes së gjithë verifikimeve të mundshme brenda dhe jashtë vendit, i konsideron këto verifikime të plota bazuar në përcaktimet e nenit 8, pikat 1 dhe 2, të lidhura me nenin 5 të ligjit nr. 138/2015, “Për garantimin e integritetit të personave që zgjidhen, emërohen ose ushtrojnë funksione publike” si dhe në përcaktimet e pikës 3 shkronja “ç”, Kreu III dhe pikave 10, 11, 12 e 13 të Vendimit të Kuvendit nr. 17/2016, ka miratuar rezultatit e verifikimit të subjektit vetëdeklarues z. Elton Xhafer Ismaili, sipas të cilit konstatohet:

1. Nuk rezulton të ketë kryer ndryshime në përbërësit e gjendjes civile, të padëklaruar në formular apo të ndryshme nga ato të deklaruar;
2. Nuk rezulton të jetë i dënuar me vendim të formës së prerë nga ndonjë autoritet gjyqësor shqiptar apo i huaj, për kryerjen e ndonjë vepre penale;
3. Nuk rezulton të jetë i dënuar me vendim gjyqësor jopërfundimtar nga ndonjë autoritet gjyqësor shqiptar apo i huaj, për një çështje penale të pazgjidhur me vendim gjyqësor të formës së prerë;
4. Nuk rezulton të ketë qënë në hetim dhe gjykim, nga një autoritet gjyqësor i huaj, për kryerjen e një vepre penale;
5. Nuk rezulton të ketë qënë i ndaluar apo i arrestuar në flagrancë, nga organet ligjzbatuese për kryerjen e ndonjë vepre penale;
6. Nuk rezulton të ketë qënë i siguruar me masë shtrënguese të sigurisë personale;
7. Nuk rezulton të jetë lëshuar ndonjëherë ndaj këtij personi një urdhër kërkimi ndërkombëtar lidhur me kryerjen e ndonjë vepre penale;
8. Rezulton të jetë marrë masa e dëbimit, nga drejtori i Nëndrejtorisë së të Huajve Atiki (Attiki), më datë 07.04.2002 dhe i regjistruar në listën e të huajve të padëshiruar dhe i rrezikshëm për rendin publik duke qëndruar në vendin grek pa dokumente legjitimuese,



në shkelje të neneve 49, 44 prg 1b, c L.2910/01, "Hyrje dhe qëndrim i të huajve në shtetin Grek. Marrja e shtetësisë Greke me natyralizim dhe dispozita të tjera".

9. Rezulton të jetë arrestuar, nga organet ligjzbatuese greke, më 15.03.02, ora 16:45 në Athinë, për shkelje të nenit 394 K.P.L.2910/01, "Hyrje dhe qëndrim i të huajve në shtetin Grek. Marrja e shtetësisë Greke me natyralizim dhe dispozita të tjera", për një periudhë 3 mujore.

III.

Komisioneri Shtetëror i Zgjedhjeve, në përfundim të shqyrtimit të dokumentacionit dhe rezultatit të verifikimit të thelluar, të Prokurorit të Përgjithshëm konstaton se:

Ligji nr. 138/2015 dhe vendimi nr. 17/2016 i Kuvendit, përcaktojnë në mënyrë të qartë dhe të detajuar se subjektet kanë detyrimin ligjor të deklarojnë çdo informacion në lidhje me gjenealitetet e tyre aktuale e të mëparshme, rekordet kriminale brenda dhe jashtë territorit të Republikës së Shqipërisë (vendime dënimi përfundimtare ose jo, hetime penale jashtë territorit të Republikës së Shqipërisë, masa sigurimi personale, vendime dëbimi, ndalime, arrestime, hetime, etj).

Z. Elton Xhafer Ismaili, kandidat i listës shumemërore të Partisë Lëvizja Socialiste për Integrim në zgjedhjet për Kuvendin e Shqipërisë të datës 25 Prill 2021, qarku Gjirokastrë, nuk ka marrë mandatin e deputetit. Subjekti zgjedhor Partia Lëvizja Socialiste për Integrim referuar neneve 162 dhe 163 të Kodit Zgjedhor nuk ka fituar asnjë mandat në qarkun Gjirokastrë. Në kushtet kur subjekti vetëdeklarues, kandidati i listës shumemërore të Partisë Lëvizja Socialiste për Integrim, nuk do të mund të përfitojë mandat në qarkun e Gjirokastrës për këtë legjislaturë, Komisioneri nuk mund të shprehet me vendimmarrje për çështjen objekt shqyrtimi, për sa kohë ky subjekt nuk gëzon statusin e deputetit dhe në asnjë rast e për asnjë rrethanë nuk do të mund të marrë këtë funksion publik për të cilin është iniciuar procedura administrative e verifikimit të thelluar. Komisioneri mund të shprehet vetëm kur përmbushen kushtet ligjore të moskandidimit, moszgjedhshmërisë apo mbarimit të mandatit për rastet e parashikuara në ligjin 138/2015. Në rastin objekt shqyrtimi, në analizë dhe zbatim të neneve 10 dhe 11 të ligjit 138/2015, si dhe neneve 90 dhe 95 të ligjit 44/2015, "Kodi i Procedurave Administrative" vlerësohet se ka humbur objekti dhe qëllimi i procedurës administrative të filluar përpara ditës së zgjedhjeve.



PËR KËTO ARSYE:

Bazuar në nenet 19, pikat 1, shkronja “n” e 2 të ligjit nr. 10019, datë 29.12.2008, “Kodi Zgjedhor i Republikës së Shqipërisë”, të ndryshuar, nenet 90 dhe 95 të ligjit 44/2015 “Kodi i Procedurave Administrative”, ligjin nr. 138/2015, “Për garantimin e integritetit të personave që zgjidhen, emërohen ose ushtrojnë funksione publike”, pikat 12 dhe 13 të Kreut V, të vendimit nr. 17/2016, të Kuvendit, “Për përcaktimin e rregullave të detajuara mbi zbatimin e ndalimeve të parashikuara në ligjin nr. 138/2015, “Për garantimin e integritetit të personave që zgjidhen, emërohen ose ushtrojnë funksione publike”

V E N D O S:

1. Të deklaroj të përfunduar procedurën administrative pa vendim përfundimtar për subjektin vetëdeklarues z. Elton Xhafer Ismaili.
2. Kundër këtij vendimi mund të bëhet ankim në Komisionin e Ankimeve dhe Sanksioneve, brenda 30 (tridhjetë) ditëve nga hyrja e tij në fuqi.
3. Ky vendim hyn në fuqi menjëherë dhe publikohet në faqen zyrtare të Komisionit Qendror të Zgjedhjeve.

Komisioneri Shtetëror i Zgjedhjeve

Ilirjan CELIBASHI



Data: 15 Mars 2022

Nr. 137

Për deklarimin të përfunduar dhe pa vendim përfundimtar të procedurës administrative të shqyrtimit të rezultatit të verifikimit të Prokurorit të Përgjithshëm për subjektin vetëdeklarues z. Elton Xhafer Ismaili, kandidat për deputet i propozuar nga Partia Lëvizja Socialiste për Integrim, qarku Gjirokastrë, në zbatim të ligjit nr. 138/2015